

Vedtaksinstitusjonar	Type gjenstandar/ kulturminne
Forsvarsmuseet Tlf 23 09 35 82 www.mil.no/felles/fmu	militære kulturgjenstandar, våpen, luftfarty
Kulturhistorisk Museum, Universitetet i Oslo Tlf 22 85 19 00 www.khm.uio.no	arkeologisk og etnografisk materiale, gjenstandar frå tida før reformasjonen (1537), myntar og setlar
Nasjonalbiblioteket Tlf 81 00 13 00 www.nb.no	bøker, småtrykk, kart, manu- skript, lyd- og filmarkiv
Nasjonalmuseet for kunst, arkitektur og design Tlf 21 98 20 00 www.nasjonalmuseet.no	måleri, teikningar, skulp- turar, originale grafiske blad og annan biletkunst, kunsthand- verk, design, møblar og anna innbu
Norsk Folkemuseum Tlf 22 12 37 00 www.norskfolkemuseum.no	folkekunst, bondeantikvitetar, husflidsprodukt, drakter, byg- ningar og anna materiale knytt til arbeidsliv og levemåte etter reformasjonen (1537)
Norsk Sjøfartsmuseum Tlf 24 11 41 50 www.norsk-sjofartsmuseum.no	maritimt materiale
Norsk Teknisk Museum Tlf 22 79 60 00 www.tekniskmuseum.no	transportmiddel og anna teknisk materiale
Preus museum Tlf 33 03 16 30 www.preusmuseum.no	fotografi, fotografiapparat o.a. fotoutstyr
Riksantikvaren Tlf 2294 04 00 www.ra.no	båtar
Riksarkivet Tlf 22 02 26 00 www.riksarkivet.no	arkivalia, segl og signet
Ringve. Musea i Sør-Trøndelag Tlf 73 87 02 80 www.ringve.no	musikkinstrument og anna musikkhistorisk materiale
RiddoDuottarMuseat Tlf 78 46 99 50 www.rdm.no	Samisk kunst og anna samisk kulturmateriale

Meir informasjon:**ABM-utvikling**

Statens senter for arkiv, bibliotek og museum
Postboks 8145 Dep
0033 Oslo

Telefon: 23 11 75 00
Telefaks: 23 11 75 01
post@abm-utvikling.no
www.abm-utvikling.no

Andre nyttige adresser:

Toll- og avgiftsdirektoratet
www.toll.no

Tollvesenets informasjonssenter
Telefon: 03012

**Kultur- og kyrkjedepartementet
og Miljøverndepartementet**
Telefon: 22 24 90 90

Sametinget
Telefon: 78 47 40 00

UNESCO
www.unesco.org/culture/natlaws

Politi
www.okokrim.no

ABM 
-utvikling
Statens senter for arkiv, bibliotek og museum

Utførsel og innførsel av
kunst- og kulturgjenstandar

Kva er lov?



Utførsel og innførsel av kunst- og kulturgjenstandar. Kva er lov?

Lov om kulturminne skal sikre at komande generasjonar skal få nytte og glede av kulturarven.

Utførsel

Føremålet med lovas reglar om utførsel av kulturgjenstandar i § 23 er å verne og ta vare på faste og lause kulturminne som er ein viktig del av Noregs kulturarv og historie. Forskrift om utførsel og innførsel av kulturgjenstandar skal sørge for at kulturgjenstandar blir verna mot ulovleg eksport og import. I tillegg skal ho sikre dokumentasjon og kunnskap om dei kulturgjenstandane som det er tillatt å føre ut av landet.

Ein må søkja løyve om utførsel av mellom anna følgjande kunst- og kulturgjenstandar frå Noreg:

- Automatisk freda kulturminne i medhald av lov om kulturminne. Arkeologiske kulturminne, faste kulturminne, og alle erklærte ståande byggverk med opphav frå tida fram til og med 1649 er automatisk freda etter kulturminnelova.
- Minne etter framståande eller sentrale personar, verksemder og hendingar av verdi for norsk kunst, kultur og historie utan omsyn til alder.
- Bygningar eller bygningsdelar, etnografisk materiale, arkivsaker, manuskript, segl og signet, møblar og anna innbu eller lausøyre, drakter, våpen og liknande ting av kunst-, kultur- eller personalhistorisk interesse frå før 1900.
- Samisk materiale frå før 1970. For bøker, småtrykk og kart trykt på samisk gjeld år 1930. Ein må søkja løyve om utførsel for alt samisk arkivmateriale utan omsyn til alder.

- Norske myntar eldre enn 1537, samt yngre norske myntar, pengesetlar, medaljar og ordenar av nasjonal verdi, jf. forskriftas oversikt.
- Måleri, skulpturar og anna biletkunst, kunsthandverk og prototyper for designprodukt frå før 1950.
- Motorvogner, luftfarty og skinnegåande materiell eller delar av slike frå før 1950, og båtar eller delar av slike eldre enn 50 år.

Sjå Forskrift om utførsel og innførsel av kulturgjenstandar på www.abm-utvikling.no for utførleg liste.

Korleis søkje?

Kultur- og kyrkjedepartementet har peika ut tolv institusjonar til å handsame søknader og fatte vedtak om utførsel av kunst- og kulturgjenstandar (sjå eiga liste). Søknadsskjema finn ein på www.abm-utvikling.no. Send søknad med fotografi av gjenstanden i god tid til den aktuelle vedtaksinstitusjonen som utarbeider løyve om utførsel. Løyvet må følge gjenstanden ved grensepassering.

Ved tvil

Spørsmål kan stillast til ABM-utvikling: post@abm-utvikling.no, tlf 23 11 75 00 eller den vedtaksinstitusjonen som er mest nærliggjande.

Normalt gjev ein løyve om utførsel

Vanlegvis gjev ein løyve til utførsel viss ikkje kulturgjenstanden er av stor verdi for forskning, bevaring og formidling av Noregs kulturarv. Ein kan gje løyve til utførsel permanent eller for eit fastsett tidsrom.

Innførsel

Den som fører ein kulturgjenstand inn i landet plikter å sørgje for gyldig eksportsertifikat frå utførselslandet dersom dette er påkrevd. Dokumentasjon skal visast fram ved tollekspedering.

Sjå www.unesco.org/culture/natlaws for informasjon om regelverket i utførselslandet.

Tollvesenet

Tollvesenet fører kontroll med at kulturgjenstandar ikkje blir førde ut av landet eller inn i landet i strid med kulturminnelova og Forskrift om utførsel og innførsel av kulturgjenstandar (Lov av 21. desember 2007 nr. 119 om toll og vareførsel § 1-5). Sjå eige regelverk: www.toll.no.

Straff

Den som med overlegg eller uaktsomt bryt utførselsforbudet, blir straffa med bøter eller fengsel i inntil eitt år. Under særleg skjerpande høve kan ein gjere bruk av fengsel i inntil to år. Medverknad til og forsøk på ulovleg utførsel blir straffa på same måte (kulturminnelova § 27 og lov av 21. desember 2007 nr. 119 om toll og vareførsel kapittel 16).

Ankeinstitusjon

ABM-utvikling er ankeinstitusjon. Unntaka er for saker som er avgjort av Riksantikvaren, der Miljøverndepartementet er ankeinstitusjon, og saker som gjeld samiske kulturminner, der Sametinget er ankeinstitusjon.